

مجموعہ ابوالضیا

ماسوا شاہہ سندن دلی تطہیرہ چالش
پرتو حکمت و عرفان ایلہ تنویرہ آتش

علوم و معارف دق بحث ایدرہ و ہر ماہ عرفی ابتدائہ اون ہشتادہ نشر اول نور فنون غرتہ سدرہ

نومرو ۱۲ [فی غرہ ربیع الاول سنہ ۱۲۹۸] نسخہ سی ۳ فروش

— جاسوس !

— بوفعل افراددن برندن صادر اولديغى حالده مقبوليدير ؟

— كيمدن اولورسه اولسون فعل نجسس دائما بركار ملعونانه در ؟

— حال بويله اولنجه — ولو نتيجه سي بويله ايكي آوچ آلتون بخش

ايتيكي موجب اولسون — برخدمتكارينك قويني، قولتوغنى قارشيديرمق

ويا آراشديرمق بر حكمداره هيچ بروقت هيچ بر وجهله ياقيشر حاللردن

ابوالضيا توفيق

دكلدر .

نمونه ذكاوت

هارون الرشيد بركون سسوقاقده كيدر كن مكتبدن عودت ايدر بر

چوجغه تصادف ايدرك، — اوغلم نره دن كليورسك ؟ — سؤالده چوجقندن

— مكسب علومدن ! — جوابني آير . — نه او قوبورسك ؟ ديه سؤال

ايلدكده دخی — سورة قح — جوابني ورنجه — يازك كوزملى بقايم ؟ — ديه

النده كي لوحه كتابتي آلوده « والنازطات غرقاً » آيتني محرر كورنجه —

چوجو — وغم ! بوقدر فطانتكله برابر نيچون بالان سويليورسك ؟ — ديه

خطاب عتاب آميرده بولنجه، چوجوق — استغفر الله ! يالانك نه قدر فنا

برحال اولديغنى بيليرم . فقط جناب خلافتما بكرى تشأم ايتسون ديه سلا-

طينك تمنياته موافق اولان « سورة » ايله مقابله ايلدم . دير .

چوجو غك شو تدبير وتعبيرندن هارون فوق الغايه ممنون اوله رق،

چيقاروب بر آلتون احسان ايلديكنده، چوجوق قبول ايتز .

رشيد — نيچون آليورسك؛ پادشاهارك عطيه سنى رد ايتك موافق

تريه دكلدر .

چوجوق — اوت اقدم ! يك طوغرى سويليورسكز ! لكن پادشا-

هارك آده بر آلتون ورميه جكني بيلديكم كبي، والده مله پدرمى اينانديرمق

مشکل اوله جغنی ده بیلدیگمدن بنی سر قته نسبت ایتمه لری ایچون بو بر آلتونی قبول ایتمکده معذورم . دینچه چوجنک بر برندن پارلاق و عقل و حکمتده اوفق اولان ملا حظانندن رشید حیران اوله رق، بو یئنده آصیلی اولان مصحف کیسه سنی آلتونله طولدرمشدر .

تماوت

مستعدان اطباءدن دو قنور شاگر ابراهیم افندی
طرفندن ارسال بیورلمشدر

میرآلای (طوان شند) ك اولوب دبرلمسی

موت جعلی اوله ییلیرمی ؟ بر طاقم اختراعی حکایه لر بر طرف ایلدیکی غشی کی، نرف کی عارضه لر مستثنا طو تلدیغی حالده زمانمزده بعض اشخاص قلبلرینک حرکاتی دلخواه لری اوزره طور دیرمق، نفسلرینی کسمک و الحاصل اختیارلرله موت حقیقی بی تقلید و تماوت ایتمک امتیاز مخصوصنه موفق اولدیلمر .

موت حقیقی بی تمامیه تقلید یعنی تماوت ایدنارک خدع و دسیاسی طب قانونی ایله او قیلیدن اولان مدونات طبییده مدققین اطباء طرفندن مفصلاً ایضاح اولمشدر .

بو مقلدلردن برینک اک غریب بر بولده اظهار ایلدیکی تماوتی بر تألیف طبی ده مطالعه ایلدیگمدن مجموعه معتبره زینه درج اولمق آرزوسیه حرفیاً ترجمه وارساله مبادرت ایلدم .

×

مقصده شروعدن اول استطراد مقامنده شو مقدمه جکی ایراد ایتمک

ایسترم :